



только осми подданыхъ тамъ же на горе софейской мешъкающихъ, которыхъ заменою ихъ монастыра пещерского его мил. отецъ Рутскій мель и маеть, въ тыхъ се ни вчомъ ни уступающи и иныхъ всѣхъ тамъ мешкающихъ и зъвековъ до светое Софии належачихъ, зъ домами и огородами до моцы, владцы, покойного доживотного держания, уживаня подали и поступили и вшелякую повинность и послушенство его милости превелебному отъцу Метрополитови Киевъскому, Галицкому и всея России благочестивому и капитуле его ка-тедралной тымъ подъданнымъ, на тамъ тыхъ пляцахъ цер-ковныхъ Софейскихъ мешъкающимъ, обѣдавать и полѣнить приказалимы; яко жъ ни одъ кого за неброненемъ ни въ чомъ они не будучи спречьни, заразъ руны съ церкве заваленные выносить и тую опустѣлую церковь столечную светую Со-фию на приездъ его милости отъца митрополита православъ-наго вычишъчать и ухендожать при насъ возныхъ и велю инишихъ зацьныхъ людей почали. И просили помененые во-зные, абы тое очевистое созынанье ихъ до книгъ принято и записано было; што я врядъ, до книгъ принявши, записати казаль, и есть записано, съ которыхъ и сесъ выписъ подъ печатью кгродскою Киевскою есть выданъ. Писанъ въ Киевѣ.

Войтехъ Рилской писарь киродскій Киевскій.

(Съ подлинника, хранящаюся въ Архивѣ бывшихъ греко-уніатскихъ митрополитовъ при св. Синодѣ).

LXXXIX.

Письмо ректора кіево-братской коллегії Исаіи Трофимовича Козловскаго къ митрополичьему намѣстнику о. ѡеофилу съ извѣстіями, касающимися кіево-братскихъ учителей и пріѣзда въ Кіевъ Петра Мигилы.

1633 г. авгуаста 30.

Пречестный господине отче ѡеофиле, о Христе возлю-
ленный брате.



За навежене листовное и за любовь показанную велице честности твоей дякую и Господа Бога молю, абы братолюбію ти во всемъ благимъ, а найпаче же въ помноженю благочестія поспѣшествовалъ. Я до того часу со всею о Христе братію моєю здраствую молитвами вашими. Отецъ Іосифъ зъ Вильна прибылъ, и въ недѣлю прошлу минину першу брати будеть, а на день Рождества Пресвятая Богородица посвященимъ епископомъ, да Богъ, застанеть въ церкви Святое Софії. Мы першого сентеврія зачинаемъ по старому: я курсъ философіи, отецъ Косовъ реторики, котрій уже и священникомъ зосталь; отецъ Пацевскій поетику, котрій также южъ священникомъ зосталь; и прочіі у своихъ школахъ. Его милость отецъ митрополитъ зъ великимъ тріумфомъ въехалъ до Києва, святую Софію и святаго Николы монастырь взялъ. Далей щобымъ могъ надъ то писать не маю, але за оказыю, дастъ Богъ, о всемъ ознаймо. На тотъ часъ молитвамъ се честности твоей поручаю. Данъ зъ монастыря Братскаго киевскаго, Августа 30, року 1633

W. M. wszego dobra zyczliwy brat y Rogomodlea

Isaius Trophimius Rector Kijowsky, yhumen Diatiolowsky.

Адресъ: W Bodzie wielebнemu oycu Theophiliowi y na ten czas Residedowi Metropolitanskiemu, memu w Christusie naimi艣zemu bratu nalezy.

(Изъ рукописнаго сборника, находящагося въ старомъ архивѣ киево печерской лавры)